




DEO OPTIMO MAXIMO  
UNI ET TRINO,  
VIRGINI DEI-PARÆ, ET S. LUCÆ,  
Orthodoxorum Medicorum Patrono.



QUÆSTIO MEDICA,  
QUOD LIBETARIIS DISPUTATIONIBUS;  
*manè discutienda in Scholis Medicorum, die Jovis nonâ mensis  
Decembris, anno Domini M. DCC. LXXIII.*

M. FRANCISCO-BERNARD, Gallico Idiomate Chirurgiæ  
Professore designato, Doctore Medico, Præfide.

*An Venæ sectio minùs timide, purgatio magis cautè, quàm vulgò fit,  
adhibenda?*

I.



**B**EATUS æger ille, cui Medicus astat, indicantium & vetantium at-  
tentus æstimator; qui naturam laborantem perito oculo obser-  
vet, & impotentem adjuvans, hanc imprimis sufficientem spec-  
tare & sinere noscat; qui non minùs sollicitus, ne noceat, quàm  
ut prosit; non à noxiis tantum, sed ab inutilibus etiam sibi commissos  
servet. Sic non ægro in exitium, non Medico in opprobrium, vertet  
artis applicatio, nec lugenda veniet mors, undè salus quærebatur. Verus imò ille

Medicus recto Medicinæ usu nata quotidie ex abusu mala redimet & compensabit. Non ille cuiquam nimis methodo aut opinioni fidet & additus erit, nec ullum remedium, calefaciens, refrigerans, &c. plus æquo celebrabit. Non imprimis, ex eo quod purgantibus per emesim aut catharism tam fausti quotidie tamque mirabiles debeantur effectus, fucum illi faciet magna horum utilitas & frequens efficacia; sed in dies prudentior ex observatione factus, deplorabit quòd tam sæpe in tam multorum perniciem adhibeantur. Nimirum tristia passim temerariæ vel incautæ purgantium applicationis vestigia occurrunt. Passim videre est in acutè ægrotantibus, quantum illorum usu præcipiti, nimis continuo, vel nimis violento, natura perturbetur, symptomata exasperentur & in mortem ingravescant. Non minùs chronicè affectis sæpe funesta fiunt; quippè his aliquando cum levamen illa afferant, ex illis hi continuò medelam querere solent; sed plerumque, diù faburram perpetuò renascentem expurgare non cessant, ventriculùm lacerando naturam jam languentem magis debilitant, malo malum addunt, vitæque, magis quàm morbi, fontem exhaurientes, fatalem sibi horam, secùs fortè removendam, infelices accelerant. Si quondò à Medicis de nimium iteratæ purgationis inutilitate aut periculo moneantur, adfunt Empirici, Medicalstri, è pilulis, pulveribus, opiatîs purgantibus, miracula promittentes, qui credulos in tumultum perfidè præcipitant. Sic miserabili fato fortè non plures ægros artis prudentia purgantium usu sanant, quàm horum abusu occidit ignorantia & temeritas.

Nec minùs deplorandus est circa venæ sectionem error contrarius; nimirum ab illâ omisâ, vel tardius aut parcius adhibitâ, sæpe quot malorum, quot funerum origo! horrescit mens cogitans quàm multi, quos incolumes vena secta servavisset, aut restituisset, non sectæ pœnam luentes, vel citâ morte oppressi perierint, vel in longos servati dolores, internis abscessibus cerebrum, pulmones, viscera erodentibus, tabe lentâ consumpti sint.

Nil igitur optabilius, quàm ut, plerorumque mutatis opinionibus, venæ sectio minùs ægrè, purgatio magis cautè adhibeantur; nec proindè quidquàm hîc nostri muneris magis esse videatur, quàm ut, errori doctrinam opposcentes, quid hæc duo primaria Medicinæ instrumenta in corpus agant, inquiramus; quid de hoc vel illo, adhibito aut omisso, quotidiana doceat experientia, expendamus; sic desumptis, tùm è theoriâ, tùm è praxi, argumentis demonstrare enitatur à venæ sectione minùs, à purgatione magis, quàm vulgò fit, metuendum & cavendum esse.

## I I.

**M**ULTIS quidem quotidie sine indicatione, sine utilitate sanguis educitur; neque hîc dissiteamur aliquando sectâ venâ vel morbum graviorem, vel ipsam mortem sequi. Vice-versâ innumera sunt ægrotantium exempla, quos jam morientes ex Orci faucibus ad vitam revocavit feliciter imperata vel alvi subductio, vel præsertim vomitio. Hinc plerique argumentantur & suum errorem foveant. Illos deludente veritatis umbrâ, sanguinem, utpotè utilem, non satis servare; faburram, utpotè noxiam, non satis eliminare se posse arbitrantur. Quidam, quasi eò plùs vivant, quò plùs sanguine turgent, ne vel semel sibi unquam venam secari sinunt; cùmque facilis esset minuto sanguine illorum curatio, imprudenter hoc servatò, mole obrui, inflammari, suffocari malunt. Alii non adeò rationis expertes, unam quidem aut alteram sectionem patiuntur, sed si, morbo non cedente, sanguinem ultrâ mittendum esse præscribatur, jam Medicus apud multos

non medentis, sed jugulatoris vices gerere videtur, & plerumque vel invitis ægris missio iteratur, vel non iteratâ primarum sectionum fructus perditur. Alii tandem meliore sorte digni, dociles, ad quæque parati, sed non habent præscribentem. Vel deest illis Medicus, vel qui adest, sanguini nimis parcens, morbo frænum injiciendi modum & tempus negligit, jamque fugiente occasione, mox illi debellando imparem se dolet.

Dùm sic omittitur promptum, efficax, sæpè unicum, auxilium, funestæ omisionis damnum perperam adhibitis purgantibus sæpè adhuc augetur. Nimirum vulgò adsunt oris amaritudo, linguæ fordities; hinc plerique cum saburrâ morbi causam expellere se posse confidentes, repetito pharmacorum haustu, tum emesim, tum catharsim, intrepidi cient. Ad indicantia solum attendentes, & de vetantibus minimè solliciti, nil nisi evacuandos humores considerant, nec undè aut quos effectus producendo evacuentur, ullam rationem habent. Interea morbo stimulus additur: fluida jam turgentia magis effervescent: solida jam nimis tensa magis constringuntur: indè brevi diversis in partibus per capillaria immeabilitas; inflammatoriæ stases, phrenitides aut comata, anginæ, peripneumonix, &c. tandem mors, erroris opus. Sic omisiss non omittendis, & adhibitis non adhibendis, pereunt innumeri, qui facillè servarentur. Minus ergò timidè sanguis detrahatur, & minus securè moveatur alvus. Huic certè præcepto nemo non obtemperabit, si Medici semper satis meminerint, & ægris hic ostendatur 1°. purgatione, quàm sanguinis missione, noxam esse faciliorem; 2°. esse etiam frequentiore.

### I I I.

**A**T Q U I 1°. cuilibet attendenti facillè innotescet purgationem facilius, quàm venæ sectionem, ægris detrimento esse. Scilicet hic non agitur de venæ sectione, quoad sectionem ipsam, seu vulnusculum lanceolâ factum, consideratâ. Sub hoc certè respectu quàm parum ab illâ metuendum sit, & quàm immeritò nonnulli ab eâ tantum abhorreant, absit ut hic quæstionem moveamus. Superest igitur, ut quoad imminutam sanguinis quantitatem difficilè etiam ab eâ damnum sequi posse cuique pateat. Jam verò quàm copiosus absque vitæ periculo sanguis educi possit, quotidie argumento sunt 1°. innumerae mulieres & puerperio, abortione, aut quâvis aliâ causâ, immodicas & vix credibiles hæmorrhagias passæ, deinceps, jacturis facillè reparatis, in eundem corporis habitum pristinamque sanitatem brevi reslitutæ. 2°. Nonnunquam ex amplis vulneribus tanta sanguinis quantitas effluens, ut eo penitus exhausta vasa videantur, & ferè nil nisi serum, in exangui & pallido corpore superfit, vitâ tamen conservatâ, deindèque, sæpè non multò post, omnibus sanitatis signis æquam sanguinis copiam in prioris locum jam elaboratam esse indicantibus. 3°. Ipsa venæ sectio in magnis membrorum fracturis, contusionibus, aut partium concussionibus, aliquando ferè venis vacuans, ægris indè nullum, vel saltem minimum & reparabile, detrimentum passis. 4°. Illa tandem venæ sectio quotidie ab imperitis sine indicatione, sine necessitate in usum vocata, sæpissimè sine infausso eventu.

Ex his certè omnibus quàm amplius sanguinem nãtenti campus, felixque sit nocendi difficultas, facillè clucescit. Aliundè verò vel sanguis æquo abundantior est; vel in æquâ proportionem, tum ratione molis, tum ratione voluminis corporis vasa alluit; vel tandem æquo minor est illius quantitas. In primo certè casu

4

noxia esse non potest illius imminutio; eo magis contra juvat, quò magis vel plethorà universali totum corpus, vel particulari pars aliqua gravabatur. In secundo casu inutilis fortè erit; sed tunc etiam sanguine semel, bis, ter aut quater educto, minimè tamen in corpore periculosa fiet immutatio; cum enim illius imminutionem singula vasa participant, in singulis illa ferè nulla percipietur. Illorum alveos vi elasticà coarctante, eadem inter imminutam illorum capacitatem & imminutum sanguinis volumen proportio remanebit, eadem reciprocitas, idem æquilibrium servabitur. Imminuetur fortè ob minorem secretionum materiem functionum energia, sed peragi pergent illæ functiones, & quam difficilè ob sanguinis defectum penitus aboleantur, suprà enarrata probant. In tertio tandè casu, cum vis vitæ am langueat, à mittendo sanguine abstinendum erit; sed vulgò non adest sanguinis penuria, nisi in iis, vel quibus ille nimis aut venæ sectionibus aut hæmorrhagiis effluxit, vel qui inedià confecti sunt, vel qui chronico morbo affecti pauca vix ingerunt, aut multa ingerentes tùm digestionis, tùm hæmatosis, beneficio carent. In iis autè omnibus quem Medicum vel etiam medicastrum circumstantiarum cognitio, ægrotantis aspectus, pallor, debilitas, à venâ secandâ non facilè deterreant? Vel igitur sanguine misso noxa difficilis est, vel ubi facilis esset, ut plurimùm præcavetur.

Mirum est imò quam facile purgatio corpori detrimentum asserat. Nimirùm purgantia, si malè eligantur, vel intempestivè adhibeantur, primariâ suâ actione ventriculo & intestinis nimiam vim inferunt, in illis phlogosim aut inflammationem accersunt; nervorum in illorum superficie disseminatorum vellicatione cæteros corporis nervos sympathicè irritant; indè vasa capillaria constrictione ardeant, circulationi sic obices creant, innumeris indè pendentibus malis occasionem præbent: secundariâ verò actione, cum scilicet in secundas vias illorum pars transmissa est, totam humorum massam agitant, rarefaciunt, incendunt, sic per capillaria circulationis impedimenta, variosque ex his pendentibus effectus augent. Jam verò in illis eligendis vel applicandis facillimum esse errorèm arguunt 1<sup>o</sup>. illorum natura & vires vix Medicis, ut par est, perspectæ, ideòque tam multorum empiricè illis utentium captum fugientes. 2<sup>o</sup>. Interna corporis dispositio Medicis ipsi, etiam sagacissimis, sæpissimè non satis cognita, proindeque tot ignaris purgare satagentibus necessariò ignota. 3<sup>o</sup>. Tandem frequentissima ab illorum usu mala.

Ergò 1<sup>o</sup>. purgatione, quàm sanguinis missione, noxa faciliòr est.

## I V.

2<sup>o</sup>. ILLAM etiam frequentiorè esse clinicis quotidie probat experientia. Nimirùm cum ad ægros graviter & jamdiù laborantes accersuntur, sæpissimè, è rerum præteritarum narratione præsentique morbi statu vel omisissæ venæ sectionis, vel intempestivæ purgationis, vel utriusque vestigia agnoscunt, frustra, ut plurimùm, tùm huius, tùm illius, effectibus mederi tunc conantur..... In Nosocomiis, si ægrotantes, præsertim chronicè, audias, morborum initia, vel saltè augmenta, sæpissimè ab hausto aliquo purgante pharmaco repetunt, de venæ sectione nunquàm, aut saltè rarissimè, sermonem faciunt..... Plurimi, præsertim inter miseros illos, qui pulmonis, aut aliâ tabe exesi, lentam mortem accusant, interrogati quomodò & quandò ægrotare coeperint, sic ferè semper Medico respondent, ut hic facilè intelligat, aut eos imprudenter medicamento



drastico alvum non movisse, aut a venæ sectione, licet illam tussis & pectoris dolor indicarent, temerè abstinuisse. .... Non rarò occurrunt, qui, cum Medicorum consilia dedignerentur aut negligant, medicamenta quædam ab agyrtis aut mulierculis prædicata hauriunt, illis modò immodicè, modò nullatenus purgantur: dein canalis alimentarii functio læditur: nascitur in illo, si non gravis, saltem tacita inflammatio, dein suppuratio: sequitur languor: ignoratur mali causa: appetitu deficiente ab iteratis purgationibus medela quæritur: remedio fit mali irritatio: tabescit æger, flavescit: intumescit pedibus, mox etiam abdomine: tandem, culpam sæpè nemine suspicante, illius poenam miserrimè luens perit. .... In quibusdam illa non levis, sed ita gravis est inflammatio, ut nullam medelam accipiat: à quolibet assumpto ventriculus offenditur: ut medicamenta, sic cum alimenta lædunt: vomitu rejicitur quicquid temperare, lenire & nutrire posset: brevi ruit, quasi veneno obruta, animalis œconomia. .... In quibusdam imò nec ad citam nec ad lentam mortem gravis est illa inflammatio vel phlogosis; sed ex eâ illi flatulentis, spasmodicis, melancholicis, affectibus obnoxii, vitam sæpè trahunt mortè tristiorè. .... Sæpè quosdam videre est, qui per aliquot dies non benè se habent: capite laborant: quibusdam intervallis eo malo liberantur, iterum eo vexantur: occultè febricitant: de quâdam solùm membrorum lassitudine queruntur: malo nondum victi solitis officiis vacant: de regnante sæpè epidemiâ minime cogitant, nec vel levem morbum suspicantur: ne omnino ægrotent à venæ sectione cavent; sed semel aut bis, quasi per cautelam, alvum sibi movent: statim hostis in insidiis latens, injectis sibi telis magis ferociens, jam apertis armis corpus dirè laceffit: febris ardet intensior: incendio generali cuncta organa inflammantur: sanguine non solvendo capillaria obruuntur: frustra in medicinâ, seriùs paratâ, quæritur auxilium: qui de illorum sorte modò securi erant, jam miseros lugent improvisâ morte raptos. ....

Cùm in plerisque febris post venæ sectionem vomitio ut plurimum mirè prosit, sæpè hinc evenit, ut Medici, vel sæpiùs qui illorum vices gerunt, ad quasdam particulares circumstantias; cardiacam præsertim regionem spectantes, non satis attendendo, solitæ methodi pravâ imitatione, potiones emeticas ægris propinent, sicque illis non medicabile detrimentum asferant: inde nempe oriuntur circa dictam regionem, aliquandò inflammationes, sæpissimè phlogoses, eò magis funestæ, quòd plenè ignorentur: hæc dein ab ingestis faciliè exacerbantur: vel lenissima purgatio læsionem renovat & auget: febris ultra limites longè protrahitur: læsæ partes abscedunt: suppurationes tandem citius aut tardius in mortem desinunt; & si forte natura morbum factitium cum naturali vincat, tunc mœdenti, potius certè damnando, ipsa morbi longitudo in injustam laudem vertit, & ex malè gestis illi fama crescit. Hæc profectò mala cuique clinico contingit observare in teneris & gracilibus, in iis quibus aut hæmorrhoidum aut menstruorum suppressio particularem valorum abdominalium plethoram induxit, & præsertim in quibusdam virginibus, florente juventâ fervidis, instante menstruorum fluxu, vel æstu quodam venereo, præter generalem, quemdam particularem in hac regione organum inducente; neque talem, non solum emetici, sed etiam cathartorum abusus, longè, quàm vulgò creditur, frequentiorè esse asserere hic dubitamus.

Nusquam verò magis asserti veritas patet, quàm dum apud rucolas epidemici morbi læviunt. Ferè enim ubique in his epidemiis ea ægrotantium & ipsorum artis ministrorum cæcitas est, ut à venæ sectione pertinaces abstineant, purgantibus verò malè securi libentius utantur; sic ex duplici causâ sanguis jam exundans magis adhuc incandescit & æstuat: mox inflammatoriâ stasi, vel in cerebro vitæ

principia; vel in pectore vitæ organa, vel in abdomine vitæ subsidia, opprimuntur, & citò sequitur mors ineluctabilis: sic, v. g; innumeris aliis omiffis exemplis, mensibus anni 1768 autumnalibus, cum in vico, *Nois-le-Sec*, non procul Parisiis, febris antea mitis & serè impune grassans, putrida, petechialis, & sævior facta esset; & ex duobus Chirurgis plerique ægrotantes illi se committere mallent, qui sanguinem nullatenus aut parce admodum mittebat, quotidie ignorantia; timiditatis & systematum victimæ occumbebant: magnum sui præsertim desiderium reliquerunt, intrà unius hebdomadæ spatium tristissimo fato fundæ, septem robustæ virgines, viginti circiter annos natæ, parentum & vici spes; illis nempe propter ætatem, temperamentum, & febrilem rarefcentiam, sanguine turgidis, ne vel semel venam speciosè prudens & blandiens Chirurgus secabat, purgationi verò temerarius indulgebat: quinto, sexto, septimo die, vultu, oculis intensè rubentibus, suffocata, strangulata peribant; vixque mortuis illis per os, nares, aures copiosè nigrescens sanguis effluebat. Similia certè mala passim clinicis occurrunt; & si fortè sanguinis in quorundam perniciem nuntium effusi non aliqua exempla desint, certissimè rara sunt, & quàm paucissima nos vidisse meminimus.

Plura quidem referre hîc in promptu esset; sed hæc sufficiant ad probandum 2<sup>o</sup> purgatione, quàm sanguinis missione noxam esse frequentiore.

## V.

**E**X præmissis ità evidentibus facilis est conclusio; sed obijcitur: Nil in praxi frequentius quàm post venæ sectionem morbos in pectus mutari, vel etiàm illi vix celebrata citam mortem succedere: illà adhibita, saburra e primis vis in secundas aspiratur, sic novum febrì pabulum transmittitur & oleum igni additur. Contrà mirum est quàm felici successu cathartica aut emetica sæpissimè adbibentur, ubi nullum venæ sectiones levamen attulerant. Inter Medicos multi, nec infimæ notæ, purgatione, si non singulis, saltèm alternis diebus celebratà, continuas, putridas, malignas febres curare solent. Jamdudum apud plerosque, tartaro sibiato in potulentis soluto, continuas evacuationes in illis febribus ciere solemne est.

Hæc certè contrà thesim malè objectiones militant. 1<sup>o</sup>. Ipsi quidem agnoscimus non omnibus & semper sanguinis missionem prosperè succedere. Nimirum sæpissimè serò nimis & quandò jam de ægro conclamatum est, in usum vocatur. Tunc quidem non prodest, sed non illi danum attribuendum est: quæ detractò accidit, non minis servato sanguine mors accideret. Aliundè illam ab omni vituperio, aut imputatione vindicare non nobis hîc animus. Sufficit si raritas & difficultas, quàm purgationem, nocere illam pateat.

2<sup>o</sup>. Speciosum quidem est argumentum è saburrâ in venas ob vacuum venæ sectione factum affluente desumptum; sed 1<sup>o</sup>. præscripto ut plurimum post primas venæ sectiones emetico, frequentique enematum usu ab hoc affluxu ipsi cavemus. 2<sup>o</sup>. Minus metuendum est ne saburræ pars aliqua in sanguinem transmittatur, quàm ne vasa nimium turgescant. Priori quippè malo sanguinis ipse motus, modò liber & expeditus sit, crassa & impura terendo, attenuando, assimilando, continuò medetur. Posterius verò malum idem motus magis ac magis auget, periculosumque reddit. 3<sup>o</sup>. Tandem quàm parùm Medici de illo affluxu solliciti esse debeant quotidie demonstrat felix eorum successus, qui sanguinem citò mittunt & non nisi tardè purgant.

3<sup>o</sup>. Nobis ipsis non semel emeticorum & catharticorum divinam quasi effica-

4<sup>o</sup>. Medici reverè Medici, non omisâ quidem sanguinis missione, in febribus suprà dictis ferè continuè alvum movere solent. Singulari admodum methodo alternis diebus juvant & nocent : alterâ scilicet die naturam spectando morbum mittere sinunt ; alterâ verò, quasi non audeant videri inutiles, naturam purgantium vexando, eundem morbum irritant. Sic ille ut longior, itâ gravior fit. Non pauci succumbunt : multi, cum in illorum salutem potu copioso & naturæ beneficio corriganter errores, feliciter convalescunt ; sed profectò longè plures sanabuntur, si Medici illi jam à primo morbi insultu, sanguine pro symptomatum gravitate misso, saburrâque, præsertim emeti, educâ, sic duplici evacuatione febrim arma & naturæ impedimenta detrahere properent ; deinde sedulo caveant ne ullâ purgatione naturæ laborem turbent ; in statu, si nimis furat morbus, ad venæ sectionem redeant ; dein unicè curent ut potibus aquosis, lenientibus, copiosè haustis, tum fluida temperent, tum solida relaxent ; frequenti enematum usu facili & levi fluxui faveant ; tandem pacatâ febrili fermentatione, cum fœces à mero liquore se cretæ sunt, coctioque, ut aiunt, perfecta est, finitiam corporis purgatione, ut par est, iteratâ verrant. Ex illius certè methodi feliciore successu, quàm multis tantum purgando nocent, facili agnoscunt.

5°. Quod tartari sibiati agrotantium potulentia, ut aiunt, acuentis usum, his temporibus tam solemnem, spectat, absit quidem ut quantum illud commodi sapereque utilitatis habeat, ipsi non agnoscamus; sed illi etiam aliquando magis diffidimus. Quippe non illud omnino stimulant, irritandi, sic expers evadit. Quantumvis aquâ diluat, dividatur, non omnino fit inerme, semperque retinet quamdam naturæ fibras vellicantis partem. Indè quoties in ventriculo & intestinis aderant inertia, quadam atonia, magnum certè & innocuum auxilium erit. Quoties etiam non ibi contrà aderunt tensio & vasculorum excernentium constriction, tuto adhibebitur; sed si illam tensionem, illam constrictionem adeffe indicio sint lin-  
adhibeatur; sed si illam tensionem, illam constrictionem adeffe indicio sint lin-  
guis, oris, faucium siccitas, sitis, alvus nulla aut non nisi cruda excernens, fe-  
bris incandescens, cutis rigiditas, ingens capitis dolor, generalis ere-hismus,  
tunc certè ex illius usu mala jam nata crescent. Exprimuntur ægrè quasq̃ dejectione  
vix in aquâ cum ingestis proportionē, nec ut plurimum quiddam è mate-  
riâ morbificâ detrahentes. Excretoriorum ostiis magis indè stridis excernenda  
cum retinendis miscebuntur; coctio retardabitur; nimis auctis obstaculis natura  
jam malè luctans, tandem cedit & vincetur. Hinc aded universalem hujus remedia

usum faciliè proferibimus : hinc quomodo in ipso morborum statu, in magno februm æstu, plerique, ab illius interruptione caventes, illud quotidie tam securi adhibeant, non intelligimus : hinc illius cessatio sæpè nobis magnum remedium fuit : hinc tandem non dubitamus quin plurimi occumbant, qui sine illo fervarentur.

Quamvis igitur nec semper venæ sectio laudari, nec semper purgatio infamari debeat ; quamvis imò maximæ sæpè laudes huic debeantur, tantaque sit hujus utilitas, ut eam sæpius, quàm ipsam venæ sectionem, applicandi sit locus, non minùs est inconcussum purgationem faciliùs & frequentius, quàm venæ sectionem, in abusum degenerare ; ab illà quàm ab hac faciliùs & frequentius detrimenta sequi ; tandem illius æquo frequentiore, hujus verò æquo rariorem, usum vulgò esse ; proindeque concludimus :

*Ergò Venæ sectio minùs timidè, purgatio magis cautè, quàm vulgò fit, adhibenda.*

### DOMINI DOCTORES DISPUTaturi.

*M. Augustinus ROUX, Regiæ Societatis rei Agrariæ, necnon Regiæ Scientiarum Academiæ Burdigalensis Socius.*

*M. Petrus-Joannes-Claudius MAUDUYT DE LA VARENNE.*

*M. Natalis-Maria DE GEVIGLAND, Regiorum in Germaniâ Ducum & milium Nosocomiorum nuper Medicus.*

*M. Achilles - Guillelmus LE BEGUEDE PRESLE, Eques, & Censor Regius.*

*M. Stephanus d'HUAUME.*

*M. Carolus - Franciscus BOUTIGNY DES-PREAUX.*

*M. Cæsar COSTE, Censor Regius.*

*M. Joannes - Armandus ROUSSIN DE MONTA-BOURG.*

*M. Petrus LALOUETTE, Regii ordinis Eques.*

**Proponebat Parisiis THOMAS LE TENNEUR, Gaveræus, Constantiensis, Doctor Medicus Cadomensis, nec non Saluberrimæ Facultatis Medicinæ Parisiensis Baccalaureus, Thefcos Autor, A. R. S. H. 1773. A SEXTA AD MERIDIEM.**